

БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ

ДОМ НАРОДА  
ПРЕДСТАВНИЧКИ ДОМ



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE

DOM NARODA  
PREDSTAVNIČKI DOM / ZASTUPNIČKI DOM

Привремена заједничка комисија оба дома Парламентарне скупштине БиХ за спровођење процедуре за именовање чланова Независне комисије за праћење услова боравка у заводима, поступање и поштивање људских права лица над којима се извршавају кривичне санкције и друге мјере које је изрекао у кривичном поступку Суд БиХ, страни судови за дјела предвиђена Кривичним законом БиХ или међународним уговором чија је потписница БиХ или други суд у складу са законом БиХ

Privremena zajednička komisija oba doma Parlamentarne skupštine BiH za provođenje procedure za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čija je potpisnica BiH ili drugi sud u skladu sa zakonom BiH

Privremeno zajedničko povjerenstvo obaju domova Parlamentarne skupštine BiH za provođenje procedure imenovanja članova Neovisnog povjerenstva za praćenje uvjeta boravka u zavodima, postupanje i poštivanje ljudskih prava osoba nad kojima se izvršavaju kaznene sankcije i druge mjere koje je izrekao u kaznom postupku Sud BiH, strani sudovi za djela predviđena Kaznenim zakonom BiH ili međunarodnim ugovorom čija je potpisnica BiH ili drugi sud sukladno zakonu BiH

Broj: 01,02-50-16-413-4,4/21  
Sarajevo, 17.6.2021.

PARLAMENTARNA SKUPŠTINA BOSNE I HERCEGOVINE

PREDSTAVNIČKOM DOMU  
DOMU NARODA

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 18-06-2021

| Organizaciona jedinica | Klasifikaciona oznaka | Redni broj | Broj priloga |
|------------------------|-----------------------|------------|--------------|
| 01,02-                 | 34-1-                 | 1244/      | 21           |

Na osnovu člana 56. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), člana 46. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16), člana 52. stav (2) Zakona Bosne i Hercegovine o izvršenju krivičnih sankcija, pritvora i drugih mjera – službeni prečišćeni tekst („Službeni glasnik BiH“, broj 22/16) i Zaključka o osnivanju Privremene zajedničke komisije oba doma Parlamentarne skupštine BiH za provođenje procedure za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH, ili drugi sud u

skladu sa zakonom BiH („Službeni glasnik BiH“, br. 10/21), Privremena zajednička komisija oba doma Parlamentarne skupštine BiH za provođenje procedure za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH na 4. sjednici, održanoj 17. 6. 2021, usvojila je, te Predstavničkom domu i Domu naroda Parlamentarne skupštine BiH podnosi sljedeći

## **I Z V J E Š T A J**

**o utvrđivanju rang-liste uspješnih kandidata za imenovanje pet članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH**

**I. Imenovanje članova Privremene zajedničke komisije oba doma Parlamentarne skupštine BiH za provođenje procedure za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH**

Parlamentarna skupština BiH je, na 16. sjednici Predstavničkog doma, održanoj 3. februara 2021. godine, i na 15. sjednici Doma naroda, održanoj 10. februara 2021. godine, imenovala članove Privremene zajedničke komisije oba dom Parlamentarne skupštine BiH za provođenje procedure za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i

Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH (u daljnjem tekstu: Privremena zajednička komisija).

Zaključkom Parlamentarne skupštine BiH („Službeni glasnik BiH“, broj 10/21) u Privremenu zajedničku komisiju imenovani su: Darijana Filipović, Alma Čolo, Dragan Bogdanić (iz Predstavničkog doma), Bariša Čolak, Amir Fazlić i Dušanka Majkić (iz Doma naroda).

## **II. Zadaci i hronologija rada Privremene zajedničke komisije**

Zadatak Privremene zajedničke komisije je da, u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Službeni glasnik BiH", broj 37/03) i članom 52. stav (2) Zakona Bosne i Hercegovine o izvršenju krivičnih sankcija, pritvora i drugih mjera – službeni prečišćeni tekst („Službeni glasnik BiH“, broj 22/16), provede konkursnu proceduru za članove Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH (oglašavanje, intervju, sastavljanje liste uspješnih kandidata i domovima Parlamentarne skupštine BiH predlaganje kandidata za imenovanje).

Kako bi realizirala svoje zadatke, Privremena zajednička komisija održala je četiri sjednice.

Konstituirajuća sjednica održana je 24. 2. 2021. Članovi Privremene zajedničke komisije jednoglasno su za predsjedavajuću izabrali Dušanku Majkić, za prvu zamjenicu predsjedavajuće Almu Čolo, a za drugog zamjenika predsjedavajuće Barišu Čolaka.

Privremena zajednička komisija je, postupajući u skladu sa svojim nadležnostima, na 2. sjednici, održanoj 25. 3. 2021, usvojila Poslovnik. Poslovnikom su propisani način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju s kandidatima, kriteriji i postupak bodovanja kao i utvrđivanje liste uspješnih kandidata te druga pitanja.

Na osnovu zakonskih i odredbi Poslovnika, Privremena zajednička komisija je na istoj sjednici donijela Odluku o objavljivanju Javnog konkursa za provođenje procedure za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena Krivičnim zakonom BiH ili međunarodnim ugovorom čija je potpisnica BiH ili drugi sud u skladu sa zakonom BiH.

Javni konkurs objavljen je u „Službenom glasniku BiH“, broj 21/21 od 9. 4. 2021, „Službenom glasniku Brčko Distrikta“, broj 4/21 od 2. 4. 2021, na veb-stranici Parlamentarne skupštine BiH, a Obavještenje o Javnom konkursu u dnevnim listovima: Dnevni avaz, Večernji list i Glas Srpske 10. 4. 2021.

Rok za podnošenje prijave na javni konkurs bio je (zaključno) 26. 4. 2021.

### **III. Prijavljeni kandidati, utvrđivanje ispravnosti dostavljene dokumentacije i intervju**

Privremena zajednička komisija je na 3. sjednici, održanoj 19. 5. 2021, u skladu s Poslovníkom, provjerila blagovremenost, valjanost i potpunost pristiglih prijava na javni konkurs.

Privremena zajednička komisija konstatirala je da se na javni konkurs prijavilo 13 kandidata. Detaljnim uvidom u svaku prijavu pojedinačno, kako bi se provjerilo da li su kandidati dostavili tražene dokumente u skladu s općim i posebnim uslovima konkursa, Privremena zajednička komisija jednoglasno je utvrdila da svih 13 kandidata ispunjava tražene uslove: Ljubomir Kuravica, Nermin Halilagić, Mladenko Čavara, Aleksandar Faladžić, Suzana Amović, Zlatko Brkić, Senad Hasanspahić, Azra Alajbegović, Negosava Stjepanović, Gordana Radovanović, Nevenko Vranješ, Vedad Gurda i Irhad Bilić.

Privremena zajednička komisija je, u skladu s članom 12. Poslovnika, 13 kandidata koji ispunjavaju sve formalne uslove pozvala na intervju. O datumu, vremenu i mjestu održavanja intervju kandidati su pisanim dopisom uredno obaviješteni.

Privremena zajednička komisija je na 4. sjednici, održanoj 17. 6. 2021, obavila intervju s pozvanim kandidatima.

Intervjuu se odazvalo 12 kandidata, jedan kandidat je odustao od intervjuu.

Privremena zajednička komisija je, u skladu s Poslovníkom, utvrdila tipski obrazac za ocjenjivanje kandidata, koji su nakon intervjuu popunili članovi Privremene zajedničke komisije. U skladu s članom 13. Poslovníka, ocjene članova Privremene zajedničke komisije za svakog kandidata sabirale su se pojedinačno i dijelile s brojem intervjuu prisutnih članova.

#### IV. Utvrđivanje rang-liste uspješnih kandidata

Privremena zajednička komisija je na 4. sjednici, održanoj 17. 6. 2021, u skladu s Poslovníkom, nakon bodovanja kandidata i dobivanja ocjena za sve kandidate koji su pristupili intervjuu sastavila rang-listu uspješnih kandidata kako slijedi:

| Redni broj | Kandidat             | Broj bodova |
|------------|----------------------|-------------|
| 1.         | Aleksandar Faladžić  | 49          |
| 2.         | Zlatko Brkić         | 48,9        |
| 3.         | Vedad Gurda          | 48,5        |
| 4.         | Mladenko Čavara      | 48,4        |
| 5.         | Azra Alajbegović     | 47,5        |
| 6.         | Nevenko Vranješ      | 45          |
| 7.         | Irhad Bilić          | 42,6        |
| 8.         | Ljubomir Kuravica    | 41,5        |
| 9.         | Nermin Halilagić     | 41,3        |
| 10.        | Suzana Amović        | 40,8        |
| 11.        | Gordana Radovanović  | 38,5        |
| 12.        | Negosava Stjepanović | 37,3        |

Privremena zajednička komisija je na 4. sjednici jednoglasno utvrdila i predložila Predstavničkom domu i Domu naroda Parlamentarne skupštine

**PRIJEDLOG LISTE KANDIDATA ZA IMENOVANJE PET ČLANOVA  
NEZAVISNE KOMISIJE ZA PRAĆENJE USLOVA BORAVKA U ZAVODIMA,  
POSTUPANJE I POŠTIVANJE LJUDSKIH PRAVA LICA NAD KOJIMA SE  
IZVRŠAVAJU KRIVIČNE SANKCIJE I DRUGE MJERE KOJE JE IZREKAO U  
KRIVIČNOM POSTUPKU SUD BOSNE I HERCEGOVINE, STRANI SUDOVI ZA  
DJELA PREDVIĐENA KRIVIČNIM ZAKONOM BOSNE I HERCEGOVINE ILI  
MEĐUNARODNIM UGOVOROM ČIJA JE POTPISNICA BiH ILI DRUGI SUD U  
SKLADU SA ZAKONOM BiH**

| <b>Redni broj</b> | <b>Kandidat</b>     | <b>Broj bodova</b> |
|-------------------|---------------------|--------------------|
| 1.                | Aleksandar Faladžić | 49                 |
| 2.                | Zlatko Brkić        | 48,9               |
| 3.                | Vedad Gurda         | 48,5               |
| 4.                | Mladenko Čavara     | 48,4               |
| 5.                | Azra Alajbegović    | 47,5               |

U skladu sa zakonskim i poslovničkim odredbama, Privremena zajednička komisija dostavlja rang-liste uspješnih kandidata za imenovanje članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH Predstavničkom domu i Domu naroda Parlamentarne skupštine BiH u daljnju proceduru.

Za izvjestioce o radu o ovom izvještaju Privremene zajedničke komisije na sjednicama domova Parlamentarne skupštine BiH određeni su:



- iz Predstavničkog doma – Alma Čolo, prva zamjenica predsjedavajuće Privremene zajedničke komisije,
- iz Doma naroda - Dušanka Majkić, predsjedavajuća Privremene zajedničke komisije.

**PREDSJEDAVAJUĆA  
PRIVREMENE ZAJEDNIČKE KOMISIJE**

**Dušanka Majkić**



**Dostaviti:**

- Predstavničkom domu
- Domu naroda
- a/a